

36/4

地 270-257  
31  
1-4

永順縣志



一卷



序

永順在漢時為武陵地僻處洞庭之西控荆  
湘通巴夔南中險要之區也入元以來為彭  
氏所有世襲土職相延幾五百年中國僅羈  
縻之而已是以聲教不通民生其間卉衣木  
食未識文物聲明冠裳禮樂之制雖土司間  
有紀載亦荒略難稽不足傳信後世迨

本朝

永順縣志

序

一

遊聖相承風化所及靡不歸誠雍正丁未歲土官彭  
奎槐獻籍歸流

世宗憲皇帝憫其嚮慕之殷

特允所請改永順司為永順府析其地為永順龍山  
二縣而以新設之保靖桑植附焉自是以來  
城郭學校官司吏舍漸次興舉而永順遂成  
一都會矣永順縣為附郭首邑蒞茲土者宜  
宣





上德意教養撫綏俾新闢之境沐膏澤而咏勤苦  
以遂安居樂業之性而表章

聖治勒爲一邑之書亦正所以彰王會大一統也  
前令河陽李君已基其事

今上御極之二年廣元王君調任此邑詳閱舊本  
尚多缺畧且戶口日增人文漸起踵事增華  
若有待者乃秉繩郡守李侯加意搜輯越癸  
秋而書始成適予奉

永順縣志序

二

命來撫湘南下車後校閱版圖知永順一縣重岡  
複嶺廣袤千里蠻烟瘴雨中今已雞犬桑田  
鱗次相望閩王君所纂風土官師祀典賦役  
諸志更班七可考嗣此親民之官能實力愛  
養庠黜礪頑則十年以前之風俗至此一變  
者歲月滋深當更有進于斯也予于守令固  
有厚望亦用以自勉焉是爲序

賜進士出身



南書房供奉

經筵講官

日講官起居注翰林院侍講學士內閣學士兼  
禮部侍郎吏部左右侍郎刑部左右侍郎兵  
部右侍郎都察院右副都御史巡撫湖南世  
襲一等輕車都尉加二級紀錄二次蔣溥撰

永順縣志

序

三



永順縣志序

廣元王君令永順既報最在任需即官乃以暇日纂輯邑志據舊本核訂成書將授梓適予校士抵郡得借覽焉夫邑必有志尚已而永順之志則所係有特重焉者按永順漢里志屬武陵郡兩晉迄隋隸辰州刺史唐曰溪州統係內地梁開平時彭城任溪州刺史竟為永順土司之祖歷宋元明據竊八百餘

永順縣志

序

一

年以彼大姓遞傳素積威約且性獷悍唇齒西南夷往往自相讐殺中間冥官脩貢時復効順特羈縻勿絕而已其能戢豕突狼奔之故智惴服中心哉洪惟我

國家累洽重熙德化浹于肌髓

世宗憲皇帝御極之五年遐邇提福依山阻水之倫納款來琛頓顙恐後而永順土司彭肇槐遂以是歲因大吏達獻土之忱邀



恩俞允改其地併保靖桑植兩舊司地為郡永順為  
附郭首邑凡城池學校壇廟公署圻堠以暨  
一切興舉建設之宜罔不次第就理千百年  
阻昧幽深之域煥為胥耀于光明史冊所僅  
覩也夫事當創始則諮訪鮮憑而地屬巖邊  
則講求貴悉此永順縣志所以持重于他郡  
邑志而王君搜採精確擘畫周詳用意良深  
厥功為甚鉅也余兩涉斯土水陸之崎嶇尚

壑之蒙密所目睹身親者按志以稽歷々如  
指諸掌誠哉可以信今而傳後矣惟是永順  
向隸土司僻處荒隅舟車罕至聚族耕食以  
養以生茲者地不加闢而表為大都駐以重  
協兵民叢集生齒日蕃改設以來米粟百貨  
之值稍々增矣樵採之跡漸入窮巖物力亦  
頗絀矣苟欲旁資輸運而千尋飛瀑之灘一  
線懸崖之道人徑欲絕費輒不貲又界連巴



懸諸蠻即王村以西孔道怪石如林奔濤怒  
吼遇牛路河則衆流直注郡城而從近郡之  
金魚塘俯瞰城市烟火依々勢同釜底慙遷  
匪易生殖維艱守土者所共念也余謂為永  
順計不得徂目前無虞而務期經久可恃俾  
火種刀耕之俗不憂人滿田硠捫竒涉險之  
區有以固圉足穀廼益泮以詩書導之禮讓  
永沐

永順縣志

序

六

聖朝庥明之雅化而幾々與內地編戶等此固非  
獨邑宰責也而鳴琴奏績其亦將披閱斯志  
而亟籌所以撫綏保障之方乎王君量移有  
日矣特推廣其意以為後來者告幸勿等之  
他郡邑志徒脩覽觀可也乾隆九年九月吉  
旦湖南督學使者山陽阮學浩謹題於星沙  
使署





國家聲教四訖幅員浸廣未有如我  
朝之盛者也

列聖相承重熙累洽垂以

聖祖仁皇帝六十年深仁厚澤海內嚮風極於邊徼  
遐荒郡縣規置非復疆圉可域

世宗皇帝善繼善述於由舊之中寓維新之意量其  
二字酌以既章增廣天下郡縣未易僕數荆  
楚居國南鄉永順僻處武陵元明以來羣彭

永順縣志序

七

竊據雖奉

天朝正朔勅襲土司而未嘗入隸版籍雍正六年  
强者請朝弱者恐後

朝廷嘉惠元元一視同仁改司而府永順即其首  
邑也蓋以龍山保靖桑植則儼然一郡矣官  
斯土者勞心撫字樂事勸功廣教化而美風  
俗也豈不偉哉

今天子軫念邊民猶恐迪屢未同



特命藩宣留心綏牧余承乏以來未嘗不與守令  
諄諄也年來沐我膏澤忘其勤苦有徧德而  
無梗化然後知

朝有善政則野有淳風正不在道里之遙山川  
之間耳第念採風所至而紀載無聞斯亦拓  
土開疆之缺典也適聞誌有成書邑無不脩  
其風土人情畢具於篇章尺幅之中余雖不  
文而班班可考未嘗不嘆李侯之善作而嘉

永順縣志序

八

王令之善承也是亦為之序  
湖廣湖南承宣布政使司布政使前刑科掌  
印給事中紀錄九次長柱撰



志乘何昉乎嘗考周禮職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害此乃志之所自權輿而後之郡縣遂各有紀載矣湖南永順一府地處蠻陬三代時在禹貢荊州之徼秦屬黔中漢隸武陵郡晉宋齊梁因之陳隸沅陵隨隸辰州唐天授間析辰州置溪州靈溪郡屬江

南黔中道宋為永順州元為會溪施容隸思州安撫司明為南渭施溶上溪等州臘惹查着驢遲白崖田家等洞長官司

國朝因之雍正五年土司彭肇槐荷

聖朝重熙累洽之化遂獻籍內屬請設流官

世宗憲皇帝俞允始置永順府以其地析縣二為永順為龍山並以新設之保靖桑植附焉而永順一縣則附郭首邑也余嘗思天地屯蒙之



運必俟有首出庶物之聖人而後能化其狂榛  
椎魯之風以隆禮樂衣冠之盛當夫天造草  
昧之時六合芸生八紘庶類茂弗卉衣木食  
穴居堊處罔明親義序別之方今之所謂禮  
樂之邦文明之地若齊若魯若燕若晉若秦  
若豫若吳若越非累姓奕禩沐浴涵濡於聖  
人之教澤曷克臻此永順一郡僻在甬服其  
民耕鑿於蠻烟瘴雨荒林叢菁之中拮据卒

瘖又不幸而為土酋之部落未聞訓以敦龐  
親遜之道惟苛斂暴使鞭撻斬艾之而已耳  
民何以堪其又惡知

聖世

烝民之樂乎比於茲得列郡縣齒為編民斂  
有則役有程罰有條肯有赦訓以仁義導以  
尊親示以恭儉恤以慈惠澤以詩書昭以文  
物我覩斯民其漸洗侏儻推結之荒陋而日  
遷善於風動時雍之化矣乎猗歎休哉苗民



何幸而際此耶是豈非生值

聖明

而此方屯蒙之運將進而觀離明豐豫之象也耶傳記所云堯舜之世無一夫之不獲者今乃得身親見之矣永順初開向未有志河陽李君創其大凡繼得廣元王君調任斯土復加意搜輯力仔考訂而全帙始告成

大

中丞蔣公以椽筆并其首督學阮公觀察明公並為製序余復何言第欽惟我

永順縣志

序

上

國朝

聖聖相承

闡澤覃敷湛思汪濊九州之外六合之內無氣之倫含生之屬鮮不遂其生若其性以通綿與嫗於太和翔洽之中矧永順亦禹跡所揜並列荊州之域蚩々苗氓暨

聖天子

之赤子守斯土牧斯民者宜如何敬體當宁宵旰之勤勞精白乃心以養以教登此苗民

於仁壽恬愉之衽席耶廣元王君哀集斯志



其用意良深洵善於牧民者耶是志也非僅  
載山川疆域形勢阨塞與夫賦稅之則戶口  
之數學校官師兵防物產災祥之大較也將  
以誠民阜物簡俊化頑俾成一風同風之治  
望之來者相嗣於永永勿替也于是乎書  
時

乾隆九年旃蒙赤奮若之歲寧竊月上巳之  
辰湖南觀察使者王峯徐德裕題



永順縣志序

志書之作由來舊矣內史掌邦  
國外史掌四方凡都會郡邑山  
城巖疆莫不有志以載封域之  
所自始星土之所由今而山川  
風俗學校人才皆可一覽而得

永順縣志

序

三

其有裨於政治者甚大永順苗  
土雜處相傳為彭氏竊據雖歷  
奉正朔而漢土隔絕不通聲教  
者千餘年我

朝龍興

聖聖相繼仁德覃敷薄海內外俾無



一夫之不獲故從古未闢之地  
率皆樂志輸誠稽首待命永順  
縣屬此其一也改歸之後苗也  
而民之土也而流之山巔水隈  
也而城郭市肆之密箐平莽之  
區人跡不到今則東西南南延

袤千里宮墻城闕佳氣鬱葱且  
風俗潛移默化短裙椎髻之蠻  
一變而為衣冠文物之彥列黌  
序者有人奮鷹揚者有人彬彬  
郁郁非復山蠻艸昧之舊已十  
數年於茲矣使者癸亥之春奉



命觀察楚南諮訪吏治民風稔知苗  
徭服畏邊圉晏然未始不嘆司  
牧者之善承方召撫綏之謨  
而工於經營布置也永順王令  
蒞任五秋日報最候推思為善  
後之計重鐫志板以垂永久揆

永順縣志序

十五

其意豈以要譽飾名蓋深見苗  
性之不常輯和之非易欲後之  
司土者披覽圖籍曉然於前人  
經始之難而率由章程相安無  
事庶幾哉安土苗以安民安民  
即以安



國以不負

聖天子安邊柔遠之至意云爾余嘉其志閱其錄送舊乘因為之詮言書首

乾隆九年歲在甲子孟春下浣湖南長沙等處提刑按察使司

永順縣志序

六

按察使長白明德題





叙

昔唐虞之世苗民送命帝  
誕敷文德舞干羽於兩階  
而有苗格成周盛時海不  
揚波越裳氏知聖人在位

遂重譯來朝良曰德盛化  
神感召捷於景筭跡偶然  
也我

朝自定鼎後仁漸義摩禮陶  
樂洲



列聖相承涵濡煦育者迄今百  
有餘年故不獨沐浴膏澤  
者洽髓淪肌即如永順介  
在要荒木食卉衣罔識文  
物冠裳之盛亦以

國家聲教所訖不覺草面草  
心於雍正五年歸流熟籍  
世宗憲皇帝憫其顛愚允其効  
順析其地為兩縣而以新  
設之保靖棄植附之永順



縣為附郭首邑先後官是  
土者率皆勤加教養注意  
撫綏復搜輯祀典賦役風  
土人物之屬勒為邑乘越  
數載而書成郡守李君問

序於余予喜其宣

上德意易俗移風俾蠻煙瘴雨  
之鄉悉沾我

皇上化日光天之治豈不麻哉  
吾因之有感矣大治濯俗



使遐陬俯壤咸底熙皞是  
此久道化成曷克臻此粵  
稽漢唐宋以來寧有是耶

然則我

朝德教洵足娘堯舜而埒成

永順縣志

序

三

周也夫是為序

皆

乾隆十年歲在乙丑仲春

穀旦

誥授中憲大夫湖廣湖南驛鹽



長寶道按察使司副使北

平鍾昭撰并書



永順縣志

序

主



永順縣志序

縣何以永順名曰義取乎永順故名之也名自今始乎曰前此亦以是名矣然則奚為其地改而其名不改也曰改土之意出自土官天子嘉其恭順俯允所請不改其名者示順也雖然昔之名則統其地而名之今之名則又分其地而名之也曷分乎尔曰龍山亦永順故地而峯邑則獨仍其舊所以為分也其獨名是

永順縣志

序

三

邑者何曰改土設郡土分之邑外此而保靖隸之桑植又隸之故郡之名是名者重乎其統之也而邑之名是名者又重乎其倡之也曷為乎其倡之曰各宅尔宅順民居也各田尔田順民生也法制禁令順以防民情也禮樂詩書順以導民性也順之義大矣哉夫苗民古稱逆命矣逆而順格之上以順施下以順應其心順其風亦順永、無極他邑胥是



傲焉夫而後邑之名以稱郡之名亦以稱乎  
余不敏忝守茲土喜斯民日沐大順之化熙  
熙然咸順

帝則

以成至順之休也爰是即名考義綴數言以  
志其槩若夫星野疆域山川風物以及制度  
文章之詳則前人述之已備茲不復贅云

時

乾隆十年歲次乙丑姑洗月

永順縣志

序

三

誥授奉政大夫署永順府事常德府清軍同  
知加一級紀錄七次三晉景士鳳苞九氏題



重修永順縣志序

永順之改土設縣也在雍正之六年永順縣之有志也創於前任李君麟以乾隆己未歲以興寧宰奉命行取旋調尹茲邑候遷取下車始取李君所創之志讀之竊喜新闢巖疆規模具備想見良工當日經營心苦也數年來留意訪諮覺舊本有未備者尚宜增有似冗者尚宜削且計編戶昔僅四萬有奇今則四倍之矣計人文昔猶學額未設今則遊庠中式者漸且後先繼武矣禮教日嫻風俗日異官斯土者因時制宜

永順縣志

卷一

宜其間因革損益亦不無踵事增華焉矧李君所鑄之板舊藏省會今求之不可得重修之責將誰諉歟是閱幾寒暑之廣搜博採更於壬戌編甲時親履各地週遭千餘里目審山川之形勢耳察方俗之語音爰以李君本爲基址以土司舊志爲垣墉並採辰長諸志爲丹雘而規矩準繩則一稟於

郡尊李公麟

麟

則僅操斧斤以從事焉癸亥秋告成爲

目一十有三爲卷凡四視李君本幾倍之披覽之餘覺城市村墟人物風土較十年前李君創始時又別



焉始知文明之地十年不過循其常荒僻之區十年  
頓已改其舊也獨是麟也謬荷拔擢於茲五秋需次  
銓除或倖以量遷行矣他日賢邑宰接踵而來或植  
蒲縣之花或馴桑間之雉陶淑漸摩之後聲名文物  
月異而歲不同因取是書而更張之則後之視今亦  
猶今之視昔也麟當拭目以俟

誥授文林郎知湖南永順縣事前知興寧縣奉

旨行取在任候陞主事加一級紀錄六次廣元王伯麟識



永順縣志前序

欽惟我

皇上建極御宇德媿五帝功邁三王溥海內外凡日月照臨之地悉隸版圖奉正朔幅幘之廣亘古莫加爰詔修一統志凡直省郡邑咸志其山川風土獻之

天府以彭王會之盛茲永順新闢疆宇儼然一大都會宰是邑者奉檄屢催敢不亟修志乘顧茲地舊為土司彭氏所有自漢唐宋元以來皆荒畧弗可深考有明授職宣慰司屬辰州亦未有闕人紀述軼事迨我

永順縣志

卷一

三

朝康熙三十年間彭姓始修永順司志一帙然皆自紀其土司之事一切典故摭採弗當考古者將何所取證焉第古無可考而地自今闕則今日之行事即後日文獻之徵也今我

皇上鑒彭肇槐獻土之誠改永順司為永順府以永順縣為附郭又設龍山一縣其保靖桑植皆設知縣屬府管轄

詔發帑金依內地郡縣制度一體建置而璣以菲材令沅陵隨辰府憲袁調任茲土奉



各上憲檄飭辦理一切建置事務任大責重伏思我皇上軫念邊氓一視同仁務令數千百年辛苦墊隘之民登諸衽席山谿草昧之俗開厥聲教各上憲欽奉

恩旨籌畫指示至再至三若職任是役少有隕越負聖恩而辜憲德罪莫大焉昔先王父作撫楚南凡有裨國計民生之事皆悉心辦理而尤以安撫苗土爲首務飭諭邊員勤加愛養瑾今者蒞此新疆倘奉職有虧是重貽先王父羞也用是日夕惶恐如芒在背所

永順縣志

卷一

四

幸府憲時加提命親臨指畫瑾敬謹遵行又得協臺王早晚諮訪俾新闢諸政務次第告成如宣聖諭行保甲建城池清田賦興學校建祠宇開河路設渡船造橋梁置郵遞勸耕耘正風俗等項瑾不敢因循不敢怠忽上以體

皇上撫柔邊土之至意次以承各上憲綏輯黎元之盛心及先王父安民報

國之遺訓夜之所思日以行之日之所行夜以紀之反覆圖維務期有裨地方事無過舉乃備錄端委詳請



題達而此心猶惴惴然恐其未必有當也至於山川古蹟與風土人情則隨其所見所聞一一劄記積之既久遂成卷帙要以備遺忘資參考耳豈敢謂一時之草創遂可作百世之章程哉但以草創一時而後日之考文徵獻者得有所觀覽焉以是爲志亦庶乎其可也因錄呈 憲府以備採擇云謹序

湖南永順府永順縣前知沅陵縣事河陽李瑾識  
雍正甲寅夏月 日



永順縣志前再序

余纂輯邑志既已編次成帙復細行披閱而竊嘆余之治永邑也蓋幾爲慶幸幾爲恐懼今始稍稍自慰而又切切然其有望也曷幸乎爾永順之山水奇秀不亞酉陽仙源而千百年來漢土隔絕不得與中國相通永順之民多係土人少生苗刦殺惡習其性醇謹樸實亦稍知耕織其中秀良子弟亦頗有之緣隸土司千百年來不得與內地民人同沐教養之澤雍正七年今江西饒州叅將原永順宣慰土司彭君肇

永順縣志

卷一

六

槐獻土歸流

皇上准其請設官分治復

詔令照原額秋糧銀八十兩徵收田畝令民自首給照爲業免其丈量於是永順之地得爲盛世聲華之區永順之民得受

聖朝寬大之典而草昧荒陋之習蒸蒸日上變月異而歲不同矣此余之所以爲斯地斯民慶幸無已也改土後詔發帑金照內地郡縣制度一體建置而余以菲材詞任是邑奉 憲檄辦理其事竊凜然滋懼蓋懼夫德薄



才踈肩宏任鉅易有錯誤之處且永地遼濶週遭一千三百餘里土苗漢籍雜處加以永定歸併則控制爲難永之民其性愚不諳耕稼之務其俗陋不明禮義之閑緩之則玩急之則驚則化導爲難改土時照舊設同知一員有潘司馬者約束太嚴整飭太驟土司之長官舍把人等不能安忍羣相鼓譟遂有圍衙聚衆之案奉

旨遣

大人查審將首事擬辟其餘以軍徒發遣並安插營縣而潘司馬亦以撫綏無術罹重咎此前鑒也余繼

永順縣志

卷一

七

潘公之後卽不至以暴急干咎而措置之間稍有未善以滋物議卽爲有負

皇恩有辜

憲德有玷家聲夫安得而不懼所賴

府憲朝夕指授黽勉奉行於是首宜

勅諭照額徵收田畝自首卽行給照而民咸感激歡呼矣  
宣揚

上諭廣訓親爲解說而民咸踴躍傾聽矣循行田畝教以  
深耕易耨廣執園林蓄糞灌水而民咸勤力稼圃無  
嗟饑饉矣各村分立義學以課蒙童本城建造書院



以育俊秀而民咸知教子義方樂事詩書矣土司之  
官山任民墾種其魚塘茶園竹木樹林崖蠟等項令  
民採用一無厲禁並不存爲公家之物而民咸優游  
往取視若已有矣善者獎之更爲詳給匾額惡者懲  
之更爲詳加禁錮而民咸激勵愧悔樂於爲善矣河  
灘高險開之以通舟楫山嶺崎嶇修之以平道路而  
往者來者視若坦途矣民業旣安民心旣定奉發  
帑金爰議建置於是建城垣以壯金湯則樓閣凌霄雉  
堞翥漢儼成都會之區興學校以煥宮牆則堂廡飛

雲門枋耀日蔚起文明之氣修祠宇以祈福佑則廟  
貌神威風雷揚厲人民望之歛生昭事之心衙署有  
建而堂室備具可以議政可以臨民營汛有建而伍  
卒寧居可以保固可以禦防市鎮有建而廛市鱗列  
可以居貨可以通商橋梁有建而亭臺掩映車馬馳  
逐烟柳翳然如在畫圖中自興造以來工匠日以千  
計夫役以數千計築之登登削之憑憑聲聞數十里  
外而工師挾藝以來効能獻技一無怨咨之語人夫  
負襁而至受值赴功一無愁嘆之聲行其田野而童



稱羅拜於馬前值厥歲時而父老稱祝於堂上余實不自意工程迅速人心鼓舞有如此然豈余之力哉皆我

皇上恩施浩蕩

各上憲惠愷旁洽暨 府憲指示周詳余但勉力遵體不致隕越以免於罪戾而先王父撫楚愛民之心庶幾克慰即余心亦稍稍自慰矣然上民雖已安業而生養之道未周子弟雖已向學而庠序之教未深工程雖已完竣而 部科之文未到其最大者永順

永順縣志

卷一

九

地廣民多報田三百餘頃止納銀八十兩里民咸願陞科納賦不敢詳達然遲至數十餘年後亦必按則陞科但永地山高水冷田土磽瘠十畝之田不及中州一畝之入必照道州下下則起科乃爲得宜此後來有司之責也學官鼎建黨塾並興兩次觀風亦稍成文理曾經詳請具 題設學取進生童俟

命下之日學衙考棚尚須營造春秋祀典每年遵例設祭

而禮樂各生尚待充補文物典禮亦待後來者之建議夫天下賢良衆多豈無十倍百倍於余者悉心愛



養殫力教誨補偏救弊以助余之所不逮若接踵至  
止者能使民間口有起色人文日見昌熾傳之千百  
年長樂熙皞則斯地斯民其爲幸當何如也惟是永  
順旣爲親闢歸流之邑凡事之當行必詳議報可方  
敢舉行雖案宗具在班班可考茲初編志乘備載之  
恐失於煩竟畧之恐失於簡惟舉其大端撮其要務  
使無缺遺之訛至於名宦良吏文學名士騷客遊人  
流寓題咏著作凡有關於吏治及可備採錄者尤宜  
悉登余以匆匆奉遷不克久待惟賴後之君子共勦

盛舉余望甚厚也是役也起於壬子春成於甲寅秋  
叅校剞劂閱三載而告竣例得附載謹序

河陽李瑾再識



永順縣志前序

嘗讀書曰光被四表又曰聲教訖於四海而詩亦有  
曰自西自東自南自北無思不服竊以爲古帝王之  
盛德豐功磅礴宇內垂之典謨咏之篇什者皆往事  
也今也恭逢

盛世則有以身親之我

朝應運而興

聖聖相繼篤祐

今上文武聖神超越千古歲在癸卯續承大統孝治天下

永順縣志

卷之一

二

澤及昆蟲草木溥海內外革面革心越五年丁未以  
桑保兩土官殘虐

特允改流之議一時蚩蚩土衆如嬰兒獲慈母明年永順

宣慰使彭肇槐自願改土歸流

奏請報可因析永順龍山爲二縣並改保靖桑植爲縣  
而置郡以董之余原守辰郡李侯宰沅陵己酉之秋  
先後奉調來求所足尚者民風淳樸不事奢華惟久  
苦上官苛政疲憊難堪且染於陋習余兢兢焉仰體

皇仁

憲德休養教誨未敢少踈庚戌春又蒙



特旨免賦一歲嗣照原額僅納秋糧一時閭閻婦子歡呼

匝地咸嬉遊寬大更賴李侯夙夜匪懈殫心竭力五  
載以來勸耕讀崇禮讓開修水陸道途承辦城垣

廟署有條不紊秩然振興甲寅春夏經營初備而李侯

遷永順別駕余亦移湖北糧儲李侯乃記其民物風

土新闢事蹟編次成帙問序於余披覽之際因思夫

形勝猶是昔日之山川也戶口猶是昔日之黎庶也

而其易險阻為蕩平出水火而登衽席與夫城郭之

輝煌風俗之於變則非復昔日之觀也於是見覆載

永順縣志 卷一

之大兆民之廣我

皇上宵旰勤勞雖窮荒僻壤一絲一粟無微不周將書之

所載詩之所稱不己身逢其時目擊其事歟然而古

今相較揆厥事功我

皇上實賢於堯舜遠矣是誌也自一邑而論則為山陬之

記載合天下之邑而觀則為一統之宏規今者李侯

特為始基異日文明丕煥余於永民猶有厚望焉是

為序

寄



雍正十三年歲次甲寅夏六月知湖廣永順府事長  
白袁承寵丹圃氏題

永順縣志

卷一

十三



永順縣志前序

邑之有志猶國之有史也史載當代之禮樂兵農與夫因革損益國計民生之事以爲後代之徵信志記一邑之沿革建置星野城社賦役疆界及山川官師人物藝文以備後人之稽考是志之有關於政治無殊於史也雍正八年我

皇上詔令天下督撫飭取各郡邑志書進呈御覽以成 大清一統全志獨是永邑新闢諸事創始未暇纂修司牧者不無遺恨焉然亦無足怪蓋永邑原

永順縣志

卷一

十四

屬土司管轄自晉至今千餘年不通聲教雍正五年土官彭肇槐憫茲土久居深谷不克擢于光明乃繪圖呈獻詳請 各憲

題達改土歸流我

皇上中外一統垂念土司呈獻之誠不忍向隅俯允其請

詔令督撫各憲查議善後事宜旋蒙

各憲議請永順改爲永順府分永順龍山兩邑而永順附郭焉先是桑植保靖兩土司桀黠殘虐魚肉土



民

詔令設流至是亦改爲兩邑均隸永順但永順既設郡邑不有賢令何能撫綏沅邑李侯才堪肆應廉能夙著各憲詳

題調補永邑下車以來恩惠頻施撫綏得宜每遇朔望宣講

聖諭化導愚頑并遵

制憲邁

撫憲趙

郡守袁條約

實力奉行又復不辭况瘁親臨巖村僻野編立保甲嚴查奸匪去暴安良每至其地卽令保甲傳諭土衆

永順縣志

卷一

十五

諄諄勸勉均賦役清疆界設義學舉節孝輯和兵民養恤孤幼不年餘而風移俗易與中土同江山滙靈人文秀發殆天之有意闡茲土乎嗣是

各憲議

題建立郡城廟宇衙署悉於首邑專司而李侯布畫周

詳不遑朝夕先議建立土城李侯慮難垂久詳建石城郡守袁可其議共捐養廉銀四千餘兩又不逾年而城郭巍然廟宇衙署輪焉奐焉儼然一大都會也今城工告竣百度維新且政教覃敷民樂熙皞



郡守袁陞湖北糧道李侯亦陞本郡別駕公餘之暇  
慮求邑新闢不有志乘將來不無杞宋之恨於是纂  
修邑志志成欲丐余言以余久歷苗疆先年彈壓鎮  
守保靖苗民畏服兩任於茲蒙 上憲薦陞本協協  
鎮且同仕一郡知其原委余雖賦質糾桓何能爲文  
然既同事有年不敢他辭惟就耳之所聞目之所見  
明其創建之由化行之速以見李侯之廉能如此辛  
勤如此千餘年不通聲教之區而一旦與內地並埒  
如此他日

永順縣志

卷一

六

詔取

邑志益見新闢苗疆變成雅俗仁漸義摩不且登道  
一風同之治也哉卽後之宰斯邑者稽其所自見其  
不久化成觀感興起亦可法而可宗也謂非永邑之  
幸也歟余故曰志之有關於政治無殊於史也是爲  
敘

協鎮湖南永順等處地方統轄永定保靖二營副總  
兵官加三級紀錄三次王進昌撰



前序

郡邑之有志乘尚矣然事非經始援據舊文不過踵事增華鋪張揚厲亦易易耳若夫地本荒裔邦無文獻則考訂也難耆舊無傳人情樵魯則咨訪也難未入翰軒之採又鮮故府之存則搜羅旁輯也更難是非身親其事經營創始烏能綜核精詳旁通而曲致哉以觀李公所修之邑乘不禁歡美不置也永順素為苗地今

天子卽位之五年前宣撫司今江右叅戎彭君肇槐奉土

永順縣志

卷一

十七

印章圖籍陳請歸入內地

督兩憲奏章入告

天子嘉其意

特允所請於是開設郡縣而永順為附郭之首邑况屬創始之時機務殷繁必得賢能夙著通明曉暢者始稱厥職大憲於全楚牧令中屈指甄別曰是非李君不可於是合詞具題八年春公始奉

旨自辰移永任事以來上體

聖主惠養黔黎至意凜遵各憲暨府憲成規披草萊



剪荆棘建城設署均賦分疆苗土民之秀俊者教以詩書窮乏者資以衣食五年中櫛風沐雨不避險阻而永順一區聲明文物駸駸乎幾同內地矣政事之暇慨然曰傳誌無聞後之來者將何所考鑒爰咨謀博採而山川勝蹟天文田賦之類棋布星列歷歷如指諸掌書甫告竣而公陞本府糧憲正恩以樗散庸材得繼公後入境之初見郊壇城市阡陌津梁秩然修舉而且邑有絃歌民皆買犢因以知俗無美惡得至人而可治地有顯晦遇明時而始彰而益以

永順縣志

卷

六

見

聖恩廣被無遠弗届卽此蠻烟瘴谷之區之沾

王化頓改舊觀而我

皇上之建極中和時雍於變高邁百王遠矣彼夫漢唐之

世嶺表滇黔視爲邊徼朱崖銅柱此跡要荒而士大

夫身處其地者不啻寄居絕域窮悴焦勞以視今日

同軌同文之盛治卽蠻獠亦化爲仁里其廣大更爲

何如而公又宣猷布化其治行又何如耶恩不敏

幸承公後嘉言善政播之里巷傳之方冊庶幾亦



步亦趨或可寡過已夫爰贅荒詞附於大君子之後  
湖南永順府永順縣知縣前知湘鄉縣事姚江徐正  
恩敬識

永順縣志

卷一



重編永順縣志 凡例

一永順舊隸上司千百年來文獻莫考雖有宣慰司舊志但紀土司世職山川景物之類無姓氏年月可稽按其事跡大約在康熙三十年間也自前縣李公創爲初本規模具備遂覺斯地生面一開茲之役蓋踵而成之非改易之也

一 是編有與舊志無異者有補舊志所未及者先畧後詳勢有必至然參稽不可或忽敘次不可或淆分門別類一切記載悉以類從使閱者一展卷而

永順縣志

卷一

凡例

二十

較若列眉焉

一永順旣爲郡縣則茲編爲郡縣志非土司志也而各卷中間及土司若秩官人物尤於彭氏特詳疑於不類然今之郡縣固昔之土司也今之傳舍固昔之世官也不睹乎舊莫圖其新故或循舊志所有或補舊志所無視昔視今從俗從宜亦居此土者之一助也

一 是編博採見聞不過訂訛補闕非有卓識鉅筆可光簡冊也其間言之重詞之複知難免鄙瑣之譏



脩飾潤色尚俟後之擅三長者

西蜀王伯麟識

永順縣志

卷一

凡例

三



重編永順縣志 目錄

卷之一

圖象志

地輿志

星野 並圖歌 縣治四境圖 城垣圖 縣署圖 學宮圖 疆域 沿革 並土司沿革 坊里 市村 形勝 八景 並靈溪十景 穎砂八景 山川 古蹟

建置志

城池 公署 並公館義學書院 附書院 倉庫 郵傳 津梁 汛防

卷之二

學校志

學宮建置 祭器 祭品 樂舞 名宦鄉賢 卧碑 鄉飲

卷之三

永順縣志

卷一 目錄

三

秩官志

文職 武職 附土司世職

祀典志

壇壝 祠廟 並香火田 附土司祠廟寺觀

賦役志

田賦 經費 戶口 附鹽埠

卷之四

風土志

氣候 習俗 語言 物產

藝文志

碑記 詩歌

人物志

彭氏勲勞耆德 孝義 節烈

選舉志

生監 孝廉 吏員

災祥志



雜記志

永順縣志

卷一

目錄

三